

摘藻堂四庫全書薈要

集部

欽定四庫全書會要

集部

御定歷代題畫詩類卷

五十九
六十

欽定四庫全書薈要

御定歷代題畫詩類卷五十九目錄

仕女類

卷繡圖 宋范成大

倦繡圖 元元好問

周昉倦繡圖 元李俊民

題趙紹隆倦繡圖 元陳旅

題春宮倦繡圖 元陳旅二首



倦繡圖 元陳基

倦繡圖 明陶安

刺繡倦繡二圖 明楊基

倦繡美人幃 明顧璘

題刺繡圖 明張鳳翼

添線圖 明魯鐸

題張萱美人織錦圖 元納新

織錦圖 元陳基

織女圖 元薩都拉

擣練圖 元范梈

張萱唐宮搗練圖 元程鉅夫

周昉擣衣圖 元李俊民

澣衣圖 元曹伯啓

美人熨帛圖 明劉溥

題唐人閨秀熨帛圖 明楊慎

月下裁衣圖 明錢宰

題月下裁衣圖

明陳繼

題絡緯圖

明朱經

采桑圖

明文徵明

采蓮圖

明文徵明

石城曲題采蓮圖

明陸師道

剖瓜仕女圖

元倪瓚

題納涼圖

元虞集

水殿納涼圖

元張昱

題水殿納涼圖 元陳基

題水殿避暑圖 元唐肅

題水殿納涼圖 明詹同

倦書圖 元牟巖二首

欠伸圖 宋范成大

次韻東坡跋周昉所畫欠伸美人 金朱之才

宮人欠伸圖 明吳會

春睡圖 明高啓

題曉睡圖 明胡廣

題美人春睡圖 明袁宗

題美人春睡圖 明張壽

春睡圖 明武氏

睡起圖 明楊基

春屏未起圖 明錢宰

春曉美人圖 明王燧

題四明王元凱畫三姬弄釵圖 元納新

周昉覽鏡圖 元李俊民

題美人對鏡圖 明高啓

題趙仲穆畫眉圖 明劉基二首

題理髮美人圖 明高啓

仕女觀流水小景 明陸治

佇立仕女 明祝允明

惱公詩題遊春仕女圖 明張璪

題美人圖 明謝承舉四首

搨水月在手畫屏

明謝承舉

拜月圖

明丘濬

宮人望月圖

明陳昌

題閨人望遠圖

元范梈

樓居春望圖

元王恽

美人却扇圖

元王恽三首

團扇仕女

明姚綸

題紈扇美人

明朱經

題宮人汲井圖 明張適

題宮人行樂圖 明周砥

題細腰宮女圖 元李祈

題徐參議所藏唐人浴兒圖 宋王炎

張萱戲嬰圖 金劉迎

六宮戲嬰圖 元楊維禎

題宮姬戲嬰圖 元錢選

戲嬰圖 明高啓

惜嬰圖 明徐賁

題二妹撫嬰圖 明劉績

仕女戲嬰圖 明陳昌

錢舜舉清暉堂寫戲嬰圖 明程敏政

錢舜舉深宮戲嬰圖 明焦竑

題四時百子圖 元歐陽玄

欽定四庫全書會要卷一萬九千一百六十七

集部

御定歷代題畫詩類卷五十九

仕女類

倦繡圖

宋

范成大

獨兒弄暖綠階走花氣薰人濃似酒困來如醉復如愁
不管低鬟釵燕溜無端心緒向天涯想見檣竿旛脚斜
槐陰忽到簾旌上遲却尋常一綫花

倦繡圖

元

元好問

香玉春來困不勝
啼鶯喚夢幾時應
可憐憔悴田家女
促織聲中對曉燈

周昉倦繡圖

元 李俊民

心情猶在未收時
却顧花間影漸移
不道春來添幾線
日長只與睡相宜

題趙紹隆倦繡圖

元 陳旅

籠碧紗厨掛秋水
藕風吹香團扇底
琵琶彈歇宮晝長
釵落雲邊九雛紫
二姝誰是薛靈芸
繡得金塘兩鴛似

宮奴夕殿呼更衣露濕銀牀響桐子

題春宮倦繡圖

二首

元陳旅

上陽宮樹奏鶯簧
蛺蝶羅衣逗暖香
睡思已隨巫峽雨
綵絲偏與日爭長

綠樹垂垂護寶闌
牀頭翠帕冪雙鸞
阿鬟可是無情思
又見春風到牡丹

倦繡圖

元陳基

宮門深鎖晝偏長
懶把春雲繡作裳
恨不將身化蝴蝶

長隨飛絮近君王

倦繡圖

明陶安

困來無力整殘妝
采綫何如意緒長
纖手欲閑閑不得
要將文繡獻君王

刺繡倦繡二圖

明楊基

兩日無心繡一絲
偶將針線刺花枝
無端繡到雙蝴蝶
憶著西窗夜雨時

刺得芙蓉半朶金
倚牀無語自沉吟
玉鈴不解傷心意

抵死相催刺幾針

倦繡美人幃

明
顧璘

罷繡非關暝含愁詎為春
祇恐燕臺下花月解留人

題刺繡圖

明
張鳳翼

蛺蝶成雙過短垣
參差花事到山礬
凝妝刺繡消清晝
猶勝東家倚市門

添線圖

明
魯鐸

寒日趨天無約摸
短長那遣忙人覺
漢宮相語驚翠蛾

繡綫朝來添幾何
昭陽宮門在何處
歲晚無由通線路
憑誰却問承恩人
遠近何如天度數

題張萱美人織錦圖

為慈溪蔡元起賦

元納新

織錦秦川窈窕娘
新翻花樣學官坊
窗虛轉軸鸚鵡聲滑
腕倦停梭粉汗香
雙鳳迴翔金縷細
五雲飛動綵絲長
明年夫婿封侯日
裁作宮袍遠寄將

織錦圖

元陳基

佳人織錦深閨裏
恨入東風淚痕紫
三年辛苦織回文

化作鴛鴦戲秋水
秋水悠悠人未歸
鴛鴦兩兩弄晴暉
料應花發長安夜
不見閨中腸斷時

織女圖

元 薩都拉

蘭閨織錦秦川女
大姬啞啞弄機杼
小姬織倦何所思
簾幕無人燕雙語
成都花發江水春
門前馬嘶車鞦韆

髻鬟兩耳看欲墮
蛾眉八字畫不伸
良人一去無消息
冰蠶吐絲成五色
柔腸九曲細於絲
萬縷春愁正如織
綺窗睡起聞早鷺
西樓月落金盤傾
暖霞拂地海棠曉

香雪潑戶梨花晴日長深院機聲動梭影穿花飛小鳳
水心驚起鴛鴦飛花底不成蝴蝶夢纖纖玉指柔且和
香鉤小襪裁春羅滿懷心事付流水盪日雲錦生層波
佳人自古多命薄風裏楊花隨處落豈知醜婦嫁田家
生則同衾死同槨君不聞長安市上花滿枝東家蝴蝶
西家飛籠中鸚鵡喚新主門外侍兒更故衣又不聞田
家婦日埽春蠶宵織布催租縣吏夜打門荆釵布裙夫
短袴我題此畫三嗟吁百年醜好皆虛無排雲便欲叫

閭闔為我獻上豳風圖

擣練圖

元 范 攄

深宮佳人白日長夜感蟋蟀鳴中房起視河漢心回皇
雲鬢籠鬆分作行清水如天收素練翠娥帶月杵玄霜
輓轡無繩金井悄邊頭不見梧桐黃裁縫熨貼坐在牀
載玄載黃公子裳製成不遠煩寄將但見寒暑雕三光
身體甚適平時康君不見古來邊庭士雪壓關河征戰
多折盡衣裘淚如水

張萱唐宮搗練圖

元程鉅夫

月杵輕揮快似飛，霜紈熨貼淨輝輝。
詩人不解畫師意，微詠周南澣濯衣。

周昉擣衣圖

元李俊民

一夕秋風雁過聲，鐵衣辛苦向邊城。
將軍不用和戎計，雙杵休辭月下鳴。

澣衣圖

元曹伯啓

靜女思歸寧澣衣，拜高堂隱士履。
貞固濯纓視滄浪，荀

有消潔心顛顛猶姬姜常懷濟時策進退皆康莊

美人熨帛圖

明
劉溥

霜帛丁東搗初歇女伴相憐白如雪掩帷下堂同此情
白腕對曳當中庭中庭無風乾未得銅斗自燒還自熨
只愁熨著有焦暈難表此身如此白小鬟莫更蹲復蹲
復恐皺却葵花紋

題唐人閨秀熨帛圖

明
楊慎

碧梧葉落紅閨晚
玫砧敲月催金翦
重重海簾銀蒜垂

曲曲山屏阜羅展廣儲懸月月初臨緹幕染霜霜已深
禁籞銖衣圍夜玉嵯峨寶髻辟寒金雲母箱開同心鎖
鈿鈿香浮九微火秦篝齊縷鬪紛華蜀錦吳綾分婀娜
爍帛申繒憶遠行遙遙夜夜不勝情百層妾住垂花塢
萬里君居碎葉城垂花碎葉音塵隔春去秋來感行跡
深閨心斷結蠶書絕塞眼穿無雁帛明燭蘭膏照獨眠
蛾眉曼睞為誰妍試看裴羽相思夕何似徐吾共績年

月下裁衣圖

明
錢 宰

霜落黃梧漢月高
西窗對月翦征袍
妾心不憶交河冷
手冷難裁金剪刀

題月下裁衣圖

明陳繼

香幃風捲月團團
睡起裁衣思萬端
秋葉未紅金翦冷
玉門關外不勝寒

題絡緯圖

明朱經

牽牛風露滿籬根
淡月疎星夜未分
燈下有人拋錦字
機絲零亂不成文

采桑圖

明文徵明

茜裙青袂誰家女，結伴牆東采桑去。
采桑日暮怕歸遲，室中箔寒蠶苦飢。
只愁牆下桑葉稀，不知牆頭花亂飛。
一春辛苦只自知，百年能著幾羅衣。

采蓮圖

明文徵明

橫塘西頭春水生，荷花落日照人明。
花深葉暗不辨人，有時葉底聞歌聲。
歌聲宛轉誰家女，自把雙橈擊蘭渚。
不愁擊渚濺紅裳，水中驚起雙鴛鴦。

石城曲題采蓮圖

明陸師道

秦淮水綠芙蓉明元武湖邊煙艇橫香風翠袖暮雲亂
落日新妝紅浪驚城隅濠曲歌聲起却寄愁心棹謳裏
恨不相攜桃葉渡心知同在長干任須臾花冥鳳凰臺
帝闕回看錦作堆明月各隨珠珮去白鷗獨送綵舟回蓮
浦紅衣秋露濕桂林金粟秋風急相逢江上采蓮人回
撓猶向花間立帝京曾憶看花行畫裏今瞻雲錦城十
年漁舸滄洲卧羞對紅蕖白髮生

剖瓜仕女圖

元倪瓚

月彎削破翠團團
六月人間風露寒
誰覓東陵故侯去
但知華屋薦金盤

題納涼圖

元虞集

百頃芙蓉水滿隄
綺窗只在畫橋西
羊車薄暮過湖曲
驚起鴛鴦不並棲

水殿納涼圖

元張昱

別殿紅綃女無風
亦自涼闌邊是湖水
夜夜宿鴛鴦

題水殿納涼圖

元陳基

白苧衣裳嬾自裁，手搖羅扇此徘徊。
水晶宮殿涼風少，欲勸君王築露臺。

題水殿避暑圖

元唐肅

玉骨自無汗水殿，況如秋樹陰辭日。
赫荷氣迎風柔，恩與涼俱重愁。
隨暑易收願窮歌舞力，長年奉晏遊。

題水殿納涼圖

明詹同

湖上闌干百尺臺，臺邊水殿倚雲開。
紅橋人隔荷花語。

玉盃金盤進雪來

倦書圖

元
牟
巖

日長偏困校讎人
袖手旁觀亦欠伸
一覺黑甜酣午枕
絕憐識字苦勞神

倦書圖

元
牟
巖

誰道春酣雨不禁
朦朧眼色透雲屏
著人花氣深於霧
却是三郎睡未醒

欠伸圖

宋
范成大

春風吹夢鷲江飛行盡江南只片時深院無人自驚覺
夕陽芳樹乳鴉啼背立妝臺髻鬟懶鏡鸞應見茸茸眼
不須回首更嫣然劉郎已自無腸斷

次韻東坡跋周昉所畫欠申美人

金

朱之才

巫峽昭君有奇色毛生欲畫無由得但作東風背面身
看來已可傾人國朝來睡起鬢髮垂手如春笋領蝤螬
繡帷幽夢斷難續想像翠黛顰脩眉春光三月濃於酒
燕燕雙飛鷓鴣喚友不教膩臉露桃花且喜腰支似楊柳

君不見漢宮多病李夫人轉面不顧君王嗔古來畫工
畫意亦自足煙霧玉質何由真

宮人欠伸圖

明
吳會

舞困歌慵酒夢遲小欄舒腕轉腰時落花垂柳嬌無力
都送春愁上兩眉

春睡圖

明
高啓

妝殘嬌睡帶餘醒鸚鵡當窗不敢驚誰信上陽宮內女
一春愁絕夢難成

題曉睡圖

明 胡 廣

昔聞藐姑射其山多神仙雲裾霞袂何踈蹌今之畫圖
無乃是人間一住三十年紗帷半揭清如洗十二闌干
曙光裏天風吹夢度寥廓倦倚鮫綃睡不起芭蕉葉綠
松露涼枕邊裊裊騰爐香飛來啼鳥莫呼醒日上扶桑
清晝長

題美人春睡圖

明 袁 宗

東風小院闌干曲滿地梨花浣香玉金窗晝靜燕初閑

火養沉煙一絲綠美人消瘦桃花肌春膏玉減一尺圍
碧紗帳小蟬翅薄睡損舞裙金縷衣綠雲盤盤堆枕重
翠滑斜偏小金鳳啼殺流鶯喚不醒風流政作江南夢
檻前芍藥吹幽香隔花玉漏聲正長冶情蕩漾收不得
誤隨蝶過東家牆東家牆裏新妝女兩兩三三喧笑語
西亭昨夜爛張筵燭膩銅盤照歌舞

題美人春睡圖

明張籌

春睡纔醒粉褪腮香塵不動下階來畫闌曾倚東風笑

向晚櫻桃一半開

春睡圖

明武氏

煙輕紅玉重驚鳥別湖橋徐起說清夢和風轉絳桃

睡起圖

明楊基

月圓團扇送輕涼荷大如錢作藕香午夢醒來思白雪
玉甌催進荔枝漿

春屏未起圖

明錢宰

梨花落月酒微酣柳絮春雲睡正堪夢入長安歸未得

覺來不信是江南

春曉美人圖

明王燧

梨花埭上雞鳴早十二瓊樓天乍曉東風不動綠楊絲
雲母窗空春悄悄銀屏複帳掩鮫綃遮斷蓬山海路遙
鬢亂釵橫雙鳳擘玻璃枕上不勝嬌誰將鸚鵡偷調弄
驚散瑤臺合歡夢金盤仙掌日華高小苑花枝露痕重
小玉熏殘蘇合香臨鸞先學理新妝含情欲起嬌無力
滿院綠陰清晝長

題四明王元凱畫三姬弄釵圖

元納新

秦虢夫人夜不歸，太真留宿宴宮闈。
席當瑤砌香茵薄，花落金罇碧露微。
笑翫寶釵爭殢酒，醉憑玉几不勝衣。
畫圖貌得嬋娟趣，藝苑流傳絕代稀。

周昉覽鏡圖

元李俊民

不教朱粉汙天真，長對菱花顧影頻。
但把蛾眉掃來淡，尚嫌不似虢夫人。

題美人對鏡圖

明高啓

曉院鹿盧鳴露井
玉人夢斷梨雲冷
起開妝閣笑窺奩
月裏分明見娥影
自對猶憐況主家
春風一面斷腸花
何由鑄入青銅內
不使秋霜老鬢華

題趙仲穆畫眉圖

二首

明劉基

有美清揚婉且閑
橫雲吐月鬪彎環
平生不識張京兆
却對妝臺寫遠山

含簧如管細相和
語困春風意更多
驚起佳人應有恨
雙蛾蹙損不成歌

題理髮美人圖

明 高 啓

桐風朝動內園枝，吹亂花前髮幾絲。
石後理梳羞未出，怕人猜是倦妝時。

仕女觀流水小景

明 陸 治

銀塘秋水玉娟娟，霜葉漂紅去渺然。
幾欲題詩寄遼海，只應流水到君邊。

佇立仕女

明 祝允明

非緣望遠上秦樓，楊柳依依翠陌頭。
畫就遠山調錦瑟。

最憐夫壻不封侯

惱公詩題遊春仕女圖

明張璪

眉黛彎新月瞳人翦碧波態濃娃館妓腰細楚宮娥緩
踏金蓮步新翻白雪歌輕顰迷下蔡妙舞絕陽阿寢閣
珠為網妝樓錦作窩梨花香玉破柳穗鬱金拖瑟柱鏘
鸞鳳尊罍列象駝瑤釵橫玉燕繡帔研銀鴛小汗肌香
膩微酣臉暈醜櫻脣朱滴滴鴉髻黑峨峨司馬憐琴癖
周郎顧曲訛喜窺韓壽戶怒擲幼輿梭曉睡啼鶯喚春

遊細馬馱宓妃臨洛浦漢女出江沱拾翠煙堤蕙塞芳
露渚荷畫船青雀舫綵騎玉蹄騶虢國輸妝靨羅敷避
翠蛾使君逢調笑丞相近嗔呵絕豔方如此幽懷定若
何琵琶勞問卜烏兔恐蹉跎睡鳴頻添火牽牛奈隔河
幾愁鴛浦隔偶借鵲橋過蝶思迷芳蕊蜂情戀蜜窠封
緘書萱蔻密意托絲蘿錦被熏濃麝霞漿酌巨螺流蘇
垂嫋娜蜀綺疊陂陀井樹棲烏鵲筠籠睡翠哥更壺催
漏箭火樹爛瓊柯的的緣思合濛濛與醉和曲屏嫌夜

短斗帳得春多海誓寧教爽山盟詎有它兩情成比翼
萬事付蠻蝸蘭帶同心綰菱盤照膽磨豈徒消宿恨頓
覺起微疴畫裏腸猶斷柔中句厭哦始知傾國貌能作
合歡魔麗玉埋馨地秋娘瘞粉坡至今遊冶客猶為醉
蓬科

題美人圖

畫惜花春起早愛月夜眠遲
水月在手弄花香滿衣四景

明

謝承舉

風雨妒花春事催鶯聲喚起未明時怪來小玉知人意

采得宜男第一枝

朱闌十二冷光多
水定銀塘鏡自磨
深夜人來照妝束
欲將圓缺問嫦娥

冰華纖指漾銀鈎
水色蟾光上下浮
自是行人無定準
相逢何日大刀頭

雪後梅花早破春
玉瓶高插淨無塵
不知衫袖招搖處
十日餘香尚襲人

掬水月在手畫屏

明
謝承舉

院涼夜彩流金蟾海空秋華開素奩含情欲共嫦娥語
畫簷鈎上真珠簾姮娥住老廣寒殿金樹銀花四遮面
癡情苦思招不來千古萬古誰能見銅盆一掬太液清
金蟾墮水秋分明兩輪上下互相蕩團團似愛纖纖擎
陰精含胎未分割白兔棄丹將遁走水華璧影一規中
却入人間豔姝手豔姝弄月還傷情屈指圓缺頻送迎
幽閨秋冷夜光靜千里有人關塞行

拜月圖

明
丘 濬

新月初上天焚香拜且告拜到月圓時行人應解到

宮人望月圖

明陳昌

龍腦香銷寶釧溫梨花明月淡黃昏自緣妾命生來薄
非是羊車不到門

題閨人望遠圖

元范梈

郎行不用苦悲辛久別心知萬事親看取江邊垂柳樹
最先零落最多春

樓居春望圖

元王惲

翠斂雙蛾底事愁不緣春去落花稠歸鞍未得朝天信
望斷東風燕子樓

美人却扇圖

二首

元王惲

寶檻承恩妒露華背金翻日羨宮鴉幽閑好備闕睢德
望絕羊車失自誇

絕代佳人擬罕儔幽閑無夢到河鳩春風靜鎖昭陽院
落盡庭花轉自愁

又題美人却扇圖

元王惲

中饋蘋蘩女所思
春風何意醉瓊枝
畫家解寫

原本闕
三字

不見樊姬脫珥時

團扇仕女

明姚綸

濃黛消香淡兩蛾
花陰試步學凌波
專房自倚傾城色
不怕涼風到扇羅

題紈扇美人

明朱經

蝶粉蜂黃滿眼新
小園微步不勝春
白團欲把歌脣掩
生怕流鶯也妒人

題宮人汲井圖

明張適

燕子歸時風滿林，碧梧月上思沉沉。
轆轤聲轉銀牀滑，望斷君恩似井深。

題宮人行樂圖

明周砥

金宮游素女，玉笛弄清暉。
月殿龍香度，風簾翠影飛。
雲開移綵仗，花落卷春衣。
莫買相如賦，長門事已非。

題細腰宮女圖

元李祈

聞道君王罷晚朝，重門深殿鬱嶕峩。
樂聲一片從雲起

知是宮中舞細腰

題徐參議所藏唐人浴兒圖

宋王炎

右相嘗慚呼畫師技癢仍復拈毛錐逼真誰作此
履本亦有妙意生妍姿中庭燕坐必主婦綠雲高髻香羅衣
嫣然嬪妾左右侍前浴能言丹鳳雛娉婷及笄女公子
素腕擁項相攜扶兩兩為朋四髻鬢乳媪隨逐相諧嬉
掌中看珠二少艾捧顙却立鴉鬟奴屏間擁膝袖玉笋
疑是夢蘭顰翠眉側身背面按箏者冰肌綽約不自持

牀前跪起各姝麗為兒理髮投涕洟有犬爛斑受摩撫
與人習熟無猜疑梳妝淡薄服製古如見永徽貞觀時
若非侯家及主第人物無此美且都荆釵布襦小家婦
生子不如山下麋

張萱戲嬰圖

金劉迎

犀顱玉頰寧馨子霧鬢雲鬟窈窕娘三十年前大門日
憶觀羣戲碧方牀

六宮戲嬰圖

元楊維禎

黃雲複壁椒塗蘇銀牀水噴金蟾蜍宜男草生二月初

燕燕求友烏將雛芙蓉花冠金結縷飄飄盡是瑤臺侶

宮中箇箇承主恩豈復君王夢神女梅檀小殿吹天香

新興髻子換宮妝中有一人類號國淨洗脂粉青眉長

百子圖開翠屏底戲弄亞亞未生齒侍奴兩兩昇錦棚

不是唐家綠衣子蘭湯浴罷春晝長金盤特瀉荔枝漿

雕籠翠哥手擎出為愛解語通心腸宣州長史耽春思

工畫傷春欠春意吳興弟子廣王風六宮猫犬無相忌

君不見玉釵淫寵戕漢孤作歌請獻螽斯圖

題宮姬戲嬰圖

元錢選

殿閣森森氣自清不知人世有蓬瀛日長無事宮中樂
間與諸姬伴戲嬰

戲嬰圖

明高啓

芍藥風欄側梧桐露井傍嬌嬰爭晚戲少婦鬪春妝共
詫珠生蚌還憐玉產岡半披文錦祿斜佩紫羅囊額髮
歲蕤短胸胞細膩光庭前王氏子陌上衛家郎弱草身

眠軟芳英手弄香隨人貪作劇避伴學迷藏莫撲花蝴蝶
蝶宜為蠟鳳凰塗添雲母粉浴試水沉湯麟送徐卿宅
蘭生謝傅堂愛均看總好年並比誰長驥種雖難匹鷓
雛已作行欣君得此畫真是夢熊祥

惜嬰圖

明
徐賁

佳兒逢吉日內人開慶筵蘭獻庭前瑞桂降月中仙長
眉春與秀重瞳秋向妍容聞啼亦喜母看浴更憐擲玉
礮為果貽金鑄作錢武攬華弓小文持湘管圓舊知熊

入夢還徵鳳集肩積世寧無德傳家今有賢

題二妹撫嬰圖

明劉績

休織流黃罷養蠶桃根桃葉並清酣龍綃却暑肌香膩
蟬翼凌風鬢影髮常恨畫中題苙菴誰教窗下種宜男
蝨斯合備房中樂見說如今化已覃

仕女戲嬰圖

明陳昌

妝罷紅絲玉鏡臺花前含笑戲嬰孩分明五采丹山鳳
飛入春風掌上來

錢舜舉清暉堂寫戲嬰圖

為臨淮
顧謙賦

明

程敏政

海榴花開白日長繡屏十二雲錦張沈沈午漏下初刻
搔頭不整慵來妝一姬南面金縷裳兩姬夾侍相頡頏
頽然圍坐看兒戲斑管雕弧堆象牀三姬鼎足如雁行
玉階隨步鳴雙璫以口撫嬰愛入骨笑語彷彿聞昭陽
一姬下坐收錦襦洗兒自與澆蘭湯涓涓秀若化生子
銀盆水滿芙蓉香一姬轉盼殊未央拭巾在手明吳霜

小鬟兩兩意閑適
紈扇不動薰風涼
苔溪畫史推錢郎
柔思獨步丹青場
摩挲舊本豈易得
流傳遠自清暉堂
才人不說顧長康
鑒賞欲博千金強
螽斯麟趾尚可作
為君擊節歌周王

錢舜舉深宮戲嬰圖

明焦竑

水晶簾隱繡匡牀
葉葉芭蕉逗晚涼
手撫龍雛成一笑
不知清蹕幸昭陽

題四時百子圖

元歐陽玄

天無一日具四時人無一母生百兒何人筆端巧造化
人事天時俱盡之三三兩兩如魚隊日長遊戲闌干外
采蓮攀柳爭後先繞竹觀梅分向背一真未鑿萬象春
誰家苑囿誰家人莫是越王泛蠓舸西湖湖上嬉芳塵
當時富貴傍觀羨至今宇宙流傳遍爭如茅屋浣花溪
竹根稚子無人見摩挲此圖真拊髀多憂正為多男子
但須得似仲謀兒人生一夔已足矣

御定歷代題畫詩類卷五十九

欽定四庫全書薈要

御定歷代題畫詩類卷六十目錄

仕女類

觀李湊所畫美人障子 唐劉長卿

傳畫美人戲成 宋李綱

得孫仲方畫美人一軸 宋梅堯臣

周昉畫美人歌 宋蘇轍

題伯時所畫宮女 宋韓駒二首

郭顯道美人圖 元李俊民

宣和內人圖 元郝經

錢雲溪宮人圖 元安熙

周昉畫美人圖 元虞集

題耿氏所藏豔畫 元陳旅

題美人卷 元丁復

美人圖 元郭翼

題四時宮人圖 元薩都拉四首

題張士厚四時仕女 元鄭洪四首

題美人圖 元郭翼

題詩意圖 元郭翼

題美人圖 元貢性之

美人圖 元金洵

題宮人圖 元唐肅三首

美人圖 明高啓

宮女圖 明高啓

仕女四春圖 明楊基四首

二美人圖 明楊基二首

題美人 明解縉

題仕女 明平顯

沈如美所畫美人圖 明張肯

仕女圖 明張寧二首

聯璧卷 明姚綸

仕女圖 明丘吉

題四美人圖

明程敏政四首

美人圖

明周用二首

題美人

明邊貢

題美人圖

明方行

仕女圖

明沈周

美人幃子

明顧璘二首

題畫美人

明李鳴鶴

美人圖

明林景清

題謝汝湖冢宰美人卷 明陳鶴

題美人 明陸深

美人圖 明陳繼儒

畫美人 明徐渭

詠畫屏美人 明葉小鸞二首

題十眉圖 金劉迎

周文矩十美圖 元吳鎮

周文矩十美圖 元黃公望

背面美人圖 明高啓

背面美人圖 明蘇澹二首

上賜潘司農龍眠拂秣婦女圖 元程鉅夫

貞女慎行圖 元陳基

題吳姓圖 元馬祖常二首

題秦宮人圖 明詹斗文

題周昉瓊林夜醉圖 明楊慎七首

宮意圖 明倪仁吉

屏風絕句 唐杜牧

詠畫障 唐上官儀

題畫扇 宋王安石

當世家觀畫 宋梅堯臣

錢舜舉畫 元虞集

題院人畫小景 元張憲

題畫 元唐肅

馬璘畫 明高啓

題畫 明王鏊二首

題畫 明桑悅

題畫 明王世懋

為袁一無題扇 明顧觀

題畫 明張紳二首

題畫 明陳繼

為黃應龍姬人史鳳翔題扇上景 明祝允明

題扇詩 明田娟娟

欽定四庫全書薈要卷一萬九千一百六十八

集部

御定歷代題畫詩類卷六十

仕女類

觀李湊所畫美人障子

唐
劉長卿

愛爾含天姿丹青有殊智無間已得象象外更生意西
子不可見千載無重還空令浣紗態猶在含毫間一笑
豈易得雙蛾如有情窗風不舉袖但覺羅衣輕華堂翠
幕春風來內閣金屏曙色開此中一見亂人眼只疑行

到陽雲臺

傳畫美人戲成

宋 李綱

美人顏色嬌如花，鬢髮光翳朝陽鴟。
玉釵斜插翠眉蹙，豈亦有恨來天涯。
畫工善畫無窮意，故把雙眸翦秋水。
丹青幻出亦動人，況復嫣然能啓齒。
年來居士心如灰，草戶金鉗擊不開。
縱教天女來相試，虛煩雲雨下陽臺。

得孫仲方畫美人一軸

宋 梅堯臣

駿駒少馴良，美女少賢德。常聞敗君駕，亦以傾人國。因

觀壁間畫筆妙仍奇色持歸非奪好來者恐為惑

周昉畫美人歌

宋蘇轍

深宮美人百不知飲酒食肉事遊嬉彈絲吹竹舞羅衣
曲終對鏡理鬢眉岌然高髻玉釵垂雙鬟窈窕萼葉微
宛轉躑躅從嬰兒倚楹俯檻皆有姿擁扇執拂知從誰
瘦者飛燕肥玉妃俯仰向背樂且悲九重深遠安得窺
周生執筆心坐馳流傳人間眩心脾飛瓊小玉雲霧幃
長風吹開忽見之夢魂清夜那復追老人衰朽百事非

展卷一笑亦胡為持付少年良所宜

題伯時所畫宮女

二首

宋

韓駒

只道春風閉掖庭朝來綰結髻鬟新蛾眉不是傳君寵
試觸君衣鸚鵡嗔

睡起昭陽黯淡妝不知緣底背斜陽若教轉盼一回首
三十六宮無粉光

郭顯道美人圖

元

李俊民

君不見昭陽殿裏蓬萊人終惹漁陽胡馬塵又不見吳

宮夜夜烏棲曲竟使姑蘇走麋鹿移人大抵物之尤喪
亂未免天公愁雖然丹青不解語冷眼止作鄉溫柔試
問人間何處有畫師恐是傾國手却憐當日毛延壽故
寫巫山女麤醜

宣和內人圖

元
郝經

牡丹橫壓搔頭玉眼尾秋江翦寒綠金翠冠梳抹且肩
正是宣和舊妝束腰肢一搦不勝衣當時宜瘦不宜肥
三千想見無顏色偏有親題御製詩蔡攸恢復燕山府

曾索君王不曾許，蕭條萬里去中原。
偶見花枝淚如雨，却將換米向三韓。
遂令流落在人間，道君一顧曾傾國。
今人休作等閑看。

錢雪溪宮人圖

元 安 熙

露冷月華白，悠悠方寸心。
夫君渺何許，悵望碧雲深。

周昉畫美人圖

元 虞 集

島上雲生日，轉攔海風吹。
面暮寒尖春，明玉色遺薌澤。
夜定珠光入鏡奩，織得鴛鴦成綠綉。
教成鸚鵡啄紅甜。

試令鼓瑟應無語目斷歸帆思未收

題耿氏所藏豔畫

元 陳旅

五月風生水殿涼綠楊深處奏鶯簧佳人偏愛臨池坐
欲與荷花鬪晚妝

題美人卷

元 丁復

玉山橫管淚痕光繡褥雙迴綵鳳皇百巧心情題不得
九疑雲冷隔三湘

美人圖

元 郭翼

鬱金殿前楊柳新長門草色春復春下階微微動香步
波影晴光流素塵翠釵蜻蜓雕玉佩攬髻迴風舞裙帶
合歡花落無好枝伯勞單飛鶯亂啼玉音夜夜宮車絕
露點蒼苔怨明月

題四時宮人圖

四首

元

薩都拉

紫宮風暖百花香玉人端坐七寶牀鳳皇小架懸夜月
一女侍鏡觀濃妝背後一女冠烏帽茶色宮袍靴色皂
手持團扇不動塵一掬香鬢立清曉一女淺步腰半駝

小扇輕撲花間蛾淡陰桐樹一女立手抱胡牀眼轉波
牀頭細鎖懸金鐘白鶴雙飛花影重詞人見此神恍惚
巫山夢裏曾相逢

金猊吐煙清晝長美人坐倚白玉牀藍衫一女髻垂耳
手持方扇立坐傍一女最小不會妝高眉短髮耀漆光
玉纖綠筍握金翦柳下輕挽宮人裳金盤玉甕左右列
紅桃碧藕冰雪涼冰壺之傍立一女背後隨以雙白羊
手拱金瓶瀉水忙酒翅灑雪驚鴛鴦鴛鴦得水自雙浴

美人抱膝空斷腸

盆池露冷荷半枯碧波風細雙遊魚美人坐此碧玉椅
屏山方案碧蟾蜍椅後二女執纓立案前二女嬌滴滴
大女手扶小女腰小女嬌倚大女膝涼風入樹落翠槐
秋深不見羊車來金鈴響處吠黃犬美人笑托芙蓉腮
錦屏三面圍繡牀沉香椅上鳳褥光美人端坐袖雙手
臨眉半蹙愁夜長椅後一女搖白羽一女執纓更回顧
一女烏帽金縷衣玉指纖纖攜小女小女手挽大女胷

笑看孔雀雙翠翹可憐美人獨自坐翠竹雪響風前梢

題張士厚四時仕女

四首

元鄭洪

繡簾壓地花陰陰鳳釵縮髻雙黃金飛絲千尺不墮地
絕似江南游子心寶奩百刻煙如縷暗擲金錢卜神女
櫻桃子熟人未歸蘆蔥花開淚如雨

金盆沐曉蟠雙鴉綠紅粉汗霑蟬紗金刀取玉薄於紙
渴心欲死東陵瓜木蘭艇子沙棠楫采蓮得花棄荷葉
荷葉輕如薄倖兒蓮花酷似多情妾

梧桐月小蟾蜍蟄芙蓉露冷銅仙泣金粟香懸十二闌
韞羅塵沁莓苔濕畫屏絳燭煙未銷夜深恨殺雙鸞簫
喚回金屋鴛鴦夢不到銀河烏鵲橋

霜蟾弄影窺金屋
么鳳吹香綉銀燭
繡羅小韞感雙蓮
翠袖垂肩倚孤竹
紅錦凍折水如車
寒衣遞到長風沙
莫遣朝雲妒桃葉
寄將春信與梅花

題美人圖

元郭翼

上清宮殿五雲車
降下仙人萼綠華
怪得雪衣無箇信

只將條脫寄羊家

題詩意圖

元

郭翼

鬱金堂上春濃否
薄薄羅襦杏子紅
白日繡窗鶯不語
都緣詩思落花中

題美人圖

元

貢性之

離離珠樹隔秋煙
望斷歸帆信杳然
試問海山今夜月
不知何處照人圓

美人圖

元

金涓

綵雲宮殿月闌干翠袖春風倚莫寒馬上琵琶愁未已
不須重展畫圖看

題宮人圖 三首

元唐肅

凝思立近井邊梧長日不開金鎖魚和得君王新製曲
傳宣已喚女尚書

不是含愁不是思監宮引出赴朝時回頭興慶池邊路
昨日花開夜合枝

洗花染線刺春羅鳳翼雙飛錦作窠暫起非關針力倦

海棠時節困偏多

美人圖

明高啓

秋千庭院閉青春背立誰曾見得真
莫道不言思憶事欲言還說與何人

宮女圖

明高啓

女奴扶醉踏蒼苔明月西園待宴迴
小犬隔花空吠影夜深宮禁有誰來

仕女四春圖 四首

明楊基

東風翦翦入妝臺
眉蹙春愁掃不開
非是薄羅能耐冷

捲簾貪看燕雙來

春陰

隔簾鸚鵡解呼名
花落閑庭草自生
曲曲畫闌皆倚遍

一春刀翦不聞聲

春悶

風送楊花滿繡牀
飛來紫燕亦雙雙
閑情正在停針處

笑嚼殘絨唾碧窗

春繡

蹴罷秋千日已沉
東風花底力難禁
笑攜女伴歸來晚

失却羅鞋不再尋

春戲

二美人圖

明楊基

半晌無言却斂眉
玉簪斜墮翠鬟欹
相逢莫說傷心事
才入深宮自得知

鴉頭羅襪鳳頭鞋
細踏花陰下玉階
綰得青絲無奈滑
更臨春水照金釵

題美人

明解縉

八駿瑤池去不回
蛾眉蕭颯鏡中衰
至今楚水荒臺上
化作行雲夢裏來

題仕女

明 平 顯

周南聲教美洋洋
比屋絃歌窈窕章
一點蕙心清若水
綠陰欄檻畫熏香

沈如美所畫美人圖

為徐文輝作

明 張 肯

流蘇綴彩駕帳寒
金鴨不飛香縷殘
新霜撲簾白如粉
啞啞烏啼金井欄
芙蓉屏開睡初醒
守宮淺褪胭脂冷
玉釵慵整雙鳳皇
春愁壓翠蛾眉長

仕女圖

為張宗大題二首

明 張 寧

吳城仕女越樣妝
籠冠盤髻銷金裳
東風淡蕩桃李月
看花不語情何長
女伴相將牽穉子
庭院無人花正芳
陽春宛宛白日暮
空抱花枝歸洞房

芙蓉迎秋木犀早
開到黃花秋欲老
涉江人遠雁來遲
零落東籬為誰好
小娃扶幼步車輕
聞語回頭心懊惱
曲房深閉綠苔生
何處寒衣月中搗

聯璧卷

明姚綸

仙子瑤臺玉一雙
碧桃紅杏遞生香
絳裙拂地春同步

寶鏡開奩曉並妝織翠舞衫封蛺蝶泥金歌扇畫鴛鴦
卷中乍識春風面惱我題詩一斷腸

仕女圖

明丘吉

絲抽霜藕織仙衣立近芭蕉怨落暉踏破綠苔羅襪冷
宮前昨夜有霜飛

題四美人圖

琴碁
書畫

明程敏政

綠綺初調曲未殘幽情應歎賞音難不嫌兒女聲相昵
一鶴長鳴繞畫闌

玉子頻拈欲下遲
芭蕉紅日影將移
錦裯兒共金絲犬
問道輸贏兩不知

倦來攜手下階行
共讀周南幾句成
庭桂香中無一事
閑聽公子擊球聲

促織場邊爽氣新
彩毫輕染墨華勻
香閨不愛千紅紫
只寫青松與綠筠

美人圖 二首

明
周用

南國佳人擁翠蛾
玉輿迢遞盼星河
君恩未必皆顏色

消得秋風滿扇羅

彩蟾涼影沁衣絲
畫燭銀屏夢去遲
何事玉關春信遠
梅花清瘦不禁詩

題美人

明邊貢

月宮秋冷桂團團
歲歲花開只自攀
共在人間說天上
不知天上憶人間

題美人圖

明方行

白玉簾開露氣浮
芙蓉花近紫金鈎
陽春一曲無人識

空拂銀箏下翠樓

仕女圖

明沈周

鮎薄窗虛日映樓
杏花風蕩玉簾鉤
手擎妝盒偷微笑
紅蜘蛛絲在上頭

美人幃子 二首

明顧璘

晚多幽思不成妝
徒倚閑臺玉漏長
明月漸低天杳杳
梅花枝上有新霜

霧縠微涼玉露清
銀河西畔水盈盈
桂香蟾影秋無限

一曲霓裳萬古情

題畫美人

明
李鳴鶴

一夜春風發芳心不自持
侵晨攜女伴花下對彈碁

美人圖

明
林景清

曉院沈沈春晝長
曲闌風暖錦屏香
碧紗窗前罷梳洗
金蓮緩蹴雙鴛鴦
小娃展圖供翫畢
對語雕牀情自適
靈鵲枝頭報喜聲
標梅正是花生實

題謝汝湖冢宰美人卷

次金太史韻

明
陳鶴

隔花翻曲月臨牆欲覓知音懶鬪妝撥盡相思不成調
御溝流水亂人腸

美人

為友人題

明

陸深

睡起春無事紗厨紅粉樓無言看羅帶獨坐還慚羞雲
鬢亂不理眼波嬌欲流窗前有鸚鵡一為訴春愁

美人圖

明

陳繼儒

弱風吹素衣水熱鴛鴦冷小鬢撩春梢不忍嗔花影

畫美人

明

徐渭

牡丹花對石頭開
兩燕低從杏杪來
勾引美人成一笑
畫工難處是雙腮

詠畫屏美人

二首

明

葉

氏

名小鸞

庭雪初消月半鉤
輕漪月色共湘流
玉人斜倚寒無那
兩點春山日日愁

紅深翠淺最芳年
閑倚晴空破綺煙
何似美人腸斷處
海棠和雨晚風前

題十眉圖

金

劉

迎

寶箱拂塵金屈戌周昉丹青見真筆春風曾憶賦妖嬈
人共畫圖成十一燭奴香底花光凝錚錚鐵響聞三更
車聲雷動不通語眼態波橫空送情蠻雲盤鶴遼天闊
犀玉依依對書札人生何處不相逢還醉武陵溪上月
雨滴蒼筠漏更長

周文矩十美圖

元

吳鎮

有女聯翩巧樣妝能將歌舞動君王誰言金屋風光好

周文矩十美圖

元

黃公望

侍宴朱樓向暮歸御香猶在縷金衣相攜女伴階前立
笑指鴛鴦水面飛

背面美人圖

明高啓

欲呼回首不知名背立東風幾許情莫道畫師元不見
傾城雖見畫難成

背面美人圖

二首

明蘇澹

抱得琵琶下玉除湖山背立溜犀梳傍人欲見春風面
但道蕭郎有寄書

釵驪烏雲鬢欲蓬回頭環珮響丁東背人不是無情思
自古紅顏畏畫工

上賜潘司農龍眠拂菻婦女圖

元

程鉅夫

拂菻迢迢四萬里拂菻美人瑩秋水五代王商畫作圖
龍眠後出尤精緻手持玉鐘玉為顏前身應住補陀山
長眉翠髮四維列白氎覆頂黃金環女伴駢肩擁孤樹
背把閑花調兒女一兒在膝嬌欲飛石榴可憐故不與
涼州舞徹來西風琵琶檀板移商宮娛尊奉長各有意

風俗雖異君臣同百年承平四海一此圖還從祕府出
司農潘卿拜賜歸點染猶須玉堂筆天門蕩蕩萬國臣
驛騎橫行四海濱聞道海中西女種女生長嫁拂菻人

貞女慎行圖

元陳基

貞女慎行露君子戒履霜歲暮懷百憂離居真慨慷方
舟豈無楫河水亦可杭臨流不能度佇立以彷徨

題吳娃圖 二首

元馬祖常

金蓮燭下看蛾眉應是吳王半醉時一自館娃宮壞後

仙魂都上落花枝

千兩金盤浴小兒
玉釵雙墮燕差池
繡窗白日無針線
却笑羅敷不畫眉

題秦宮人圖

明
詹斗文

西嶽高峙金天開
黃河一線崑崙來
玉女峯頭望雲海
日月倒挂青蓮臺
華陰避難采松者
逢人尚說秦宮灰
先秦主恩亦不惡
笋牀香檻垂綃箔
鴉黃月冷夢魂迷
翠黛鉛華翻寂寞
一去山中春復春
碧草不棲人世塵

世人爭說山中好誰說山中幽怨新當時攜得瑤琴去
一曲相思石上陳

題周昉瓊枝夜醉圖 七首

明 楊慎

寶枕垂雲選夢玉簫品月偷聲步搖翻霜夜艾瓊枝扶
醉天明

魏帝臺隨風動滕王棟與雲飛入門遙望碧落仙界高
連紫微

金縫湘裙一搦玉鈎羅襪雙彎瓊腴粉英朝翠錦綴松

脂夜丹

永巷褰情捲玉長門絲淚銷金合
懽蘸暈綠淺楊柳麴
塵黃深

百子池頭麗人三花樹下長春襟
解微聞香澤帷褰想
見橫陳

星點盈盈笑壓雲衣嫋嫋輕裕醉
妝淡紫沙窳胡旋墜
金次工

海上麻姑送酒雲間玉女投壺應
笑南朝老庾水蕙冷

面江圖

宮意圖

明

倪氏

名仁吉

調入蒼梧斑竹枝
瀟湘渺渺水雲思
聽來記得華清夜
疎雨銀缸獨坐時

屏風絕句

唐

杜牧

屏風周昉畫
纖腰歲久丹青色
半銷斜倚玉窗鸞
髮女拂塵猶自妒
嬌

詠畫障

唐

上官儀

芳晨麗日桃花浦珠簾翠帳鳳皇樓蔡女菱歌移錦纜
燕姬春望上瓊鈎新妝漏影浮輕扇冶袖飄香入淺流
未減行雨荆臺下自比凌波洛浦遊

題畫扇

宋

王安石

玉斧修成寶月團月邊仍有女乘鸞青冥風露非人世
鬢亂釵斜特地寒

當世家觀畫

宋

梅堯臣

冰蠶吐絲織纖紈妙娥貌玉輕邯鄲曲眉淺臉鵝髮盤

白角瑩薄垂肩冠銅青羅衫日月團紅裙撮暈朝霞乾
手中把筆書小字字以通情形以觀形隨畫去能長好
歲歲年年應不老相逢熟識眼生春重伴忘憂作萱草

錢舜舉畫

元虞集

一樹花如雪清明客未歸坐看黃鳥並夢作綵雲飛翠
袖寒猶薄羊車過絕稀相如能作賦月下卷春衣

題院人畫小景

元張憲

高棟層軒夜未央溶溶新綠漲池塘風輕楊柳金絲軟

月淡梨花玉骨香
亂唾碧茸紆曲逕
獨循青瑣轉迴廊
千金一刻誰能買
輸與豪家白面郎

題畫

元唐肅

春齋畫坐花落初
客來示予古畫圖
圖中人物誰所摹
衣冠似是兩晉餘
中牀獨踞美丈夫
烏紗籠髮虬髯鬚
右手摘阮意自如
左手控絃分疾徐
繞牀六人皆麗姝
纖腰鬢髻長裙裾
一擎羽扇立牀隅
一負塵拂髻柄朱
左右二姝意態舒
一垂短袂一搴襦
一姬手中紙筆具

濡毫展幅若有需一姬執器製特殊非簫非箏非笙
紛然侍立豔且都爭妍競巧為主娛當時士尚談清虛
內實多欲不可祛公忠世許王司徒亦有短轅金犢車
還客此圖起長吁恬淡寡欲世豈無

馬璘畫

明
高啓

燕睡簾前夜未深羅衣應怯嫩寒侵風傳漏板還堪數
月混梨花不易尋翠館紅樓猶裊裊華燈繡闥正沉沉
畫中一片春宵景寫出幽人悵望心

題畫 二首

明王鏊

杏花如雪滿長安起視星河夜未闌為惜穠華宛相似
臨風先折一枝看

坐看冰輪碾玉池夜深欲去更遲遲廣寒宮裏誰為伴
特為姮娥住少時

題畫

明桑悅

彤庭沈沈月華滿珠簾暗帶紅霞捲春光常在繡幃中
化機不屬天工管金壺漫瀉瓊瑤漿壺中一刻如年長

舞腰裊裊輕貼地過雲音樂催高翔別院風光春正好
銀燭高烧照晴昊飲露非無閨苑禽聽歌自有天山鳥
窗前琪樹瑤玲瓏玉爐香爐落花風紉衣自習越溪事
那知銀箭浮銅龍霄漢低回天咫尺抱衾擁帚皆恩澤
素娥薄相為前趨女伴相逢不相識

題畫

明

王世懋

閨中美人把瑤草夢斷江南漢宮曉舉頭纔見一枝紅
低頭已惜春光老

為素一無題扇

明
顧觀

月中仙子種娑羅樹底
遙山隔絳河吹落秋聲
向何處
紫簷窗戶晚涼多

題畫 二首

明
張紳

高樹漏疎雨滴瀝下
銀塘美人捲簾坐
銀鴨自添香風
吹綠荷葉正見宿鴛鴦

閑門綠樹老華池
芳草生偶隨蝴蝶起
獨自下階行何
處垂楊院春風
驕馬鳴

題畫

明 陳繼

鳥散江村社鼓花搖酒市風帘曾記踏青歸去香羅著

雨廉纖

為黃應龍姬人史鳳翔題扇上景 明 祝允明

綽綽輕紅廣袖垂遠山移翠上蛾眉闌干倚到春深處
雨煖雲香日正遲


題扇詩

明 田氏 名娟

烟中芍藥朦朧睡雨底梨花淺淡妝小院黃昏人定後

隔牆遙辨麝蘭香

御定歷代題畫詩類卷六十



總校官庶吉士臣侍朝

校對官編修臣裴謙

謄錄監生臣金士虔

欽定四庫全書薈要

集部

御定歷代題畫詩類卷六十一

詳校官原任事臣李斯詠

欽定四庫全書蒼要

御定歷代題畫詩類卷六十一目錄

仙佛類

題南極老人像 元張天英

壽星圖 明丘濬

題壽星圖 明葉盛

王母圖 元虞集二首

題醉王母圖 元胡長孺



題王母醉歸圖

元楊維禎

題王母蟠桃

明金幼孜

王母瑤池圖

明李進

碧桃青鳥圖

元王惲

題玄妙觀嵇月庭所藏鍾離像

元貢師泰

題鍾呂傳道圖

元楊載

鍾呂醉酣圖

明丘濬

敬讚純陽真人畫像

元馬臻

呂洞賓畫像 元劉因

題洞賓像 元吳澄

右丞文獻公所畫張果像 金張行中

跋文獻公張果老圖 元元好問

果老圖 元袁楠

題張果老騎驢圖 元范梈

張果對御圖 元吳師道

張果老騎牛圖 明金幼孜

題張果老騎驢圖

明僧果菴

曹國舅贊

宋白玉蟾

韓湘子贊

宋白玉蟾

題韓湘子像

明唐錦

何仙姑贊

宋白玉蟾

藍采和像

元元好問

藍采和像

明楊基

題李營丘畫驪山老姥賜李密火星劍圖

明汪克

寬

題麻姑圖有懷蔣師文
元黃鎮成

題張叔厚白描麻姑像
元張天英

后土瓊花圖
明瞿佑

題七夕圖
唐趙璜

織女圖
明瞿佑

題毛女真
宋蘇軾

毛女圖
元劉躍二首

題錢選毛女 元錢惟善

毛女圖 元宋聚

毛女圖 元鄭允端

毛女成仙圖 明瞿佑

題張渥描乘鸞月仙 元張天英

題姮娥奔月圖 明蘭廷瑞

姮娥奔月圖 明瞿佑

月宮仙子圖 明徐渭三首

吳彩鸞寫真

宋謝邁

題吳彩鸞詩韻圖

元元好問

題吳彩鸞寫韻圖

元張昱

吳彩鸞像

元倪瓚

題洛神賦畫後

元王惲

洛妃圖

元袁桷

題文海屋洛神圖

元陸仁

洛神圖

元雅勒呼

洛神圖

明吳寬

洛神卷

明沈周

清汶老所傳秦湘二女圖

宋蘇軾

題尤溪宗室所藏二妃圖

宋朱子

題白描湘靈鼓瑟圖

元陳基

題張渥湘妃鼓瑟圖

元陶宗儀

題湘君洛神二圖

明高啓

雲中君圖

金劉迎

次韻馬伯庸題凌波仙圖 元劉因

題凌波仙圖 元楊維禎

題凌波飛蓋圖 元張天英

題凌波仙 明貝瓊

畫水仙 元唐肅

飛仙圖 元劉永之

題茅山彭道士畫梅花仙子 元丁復

題三白士女 元陳基

仙娥翫月圖

元張翥

仙女醉歸圖

明陳景融

白雲仙女圖

明吳寬

題小仙養蒲圖

明謝承舉

女仙彈琴

明徐渭

欽定四庫全書
纂要卷一萬九千一百六十九

集部

御定歷代題畫詩類卷六十一

仙佛類

題南極老人像

元張天英

老人爾何來年貌一何古
身披五雲衣相羊步瑤圃
自言南極星乘風來帝所
冉冉青鬚眉玉顏如處女
仙鹿御之行仙禽導之舞
忻然願相從授以長生語
但恐塵世中歲月不我與
何當駕鸞輪與子共高舉

壽星圖

明丘濬

南極之上有老人星光芒熒熒昭示壽徵誰哉好竒古
貌此壽者相身披織女絹手握太乙杖軀幹何其短頭
顱如許長靈臺無乃小局促天庭胡用高軒昂神人自
與凡人別顏如丹霞髮如雪誰知天上人也有老時節
嗚呼氣結為星亦解耄人生那得長年少我觀壽星圖
為作壽星詞奉以祝眉壽千百歲為期五緯呈祥天宇
清五嶽效靈地道寧中黃一氣分五德幻形五老表壽

徵仙風道骨煙霞袂大人迴與塵凡異五總靈龜千歲
麤七籤雲笈九天炁豈非受命大羅天駕風馭氣來人
寰永錫吾皇千萬年

題壽星圖

明
葉盛

洞天香火不勝情南極於今夜夜明聖主陽剛萬年壽
更從長至祝長生

王母圖 二首

元
虞集

偷桃小兒癡且妍恃恩無賴更蒙憐竊翻雷電天公怒

風雨落花紅九川

黃竹遺墟白雪高空桑戴勝向晨噪茂陵多欲非仙器
枉賜金盤五色桃

題醉王母圖

元 胡長孺

宴罷瑤池醉不任仙人那有世人心良工欲寫無言意
自托丹青作酒箴

題王母醉歸圖

元 楊維禎

瑤池春暖波如澱不與紅妝洗嬌面仙娥泛月蕊宮來

催宴瑤花開水殿麻姑滿進九霞觴金盤鮓熟芙蓉香
歌雲緩繞紫鸞管舞飈淑灑青霓裳阿母嬉春淡妝束
雲冠巧琢梅花玉酒痕凝頰呼不醒扶上仙山雪毛鹿
綺袍半脫露香肩飛控不動金連錢天風吹夢渡弱水
含羞倦倚雙嬋娟歸來笑拂龍髯席汗濕鮫綃睡無力
玉鈎齊上水精簾十二瑤樓月光白吳興畫史筆如神
丹青貌得瑤池真劉郎自是識仙趣看花同賞玄都春
圖中彷彿一相見何必蓬萊問清淺便呼青鳥報鸞箋

蟠桃何日重開宴

題王母蟠桃

明 金幼孜

西來王母載河車羽蓋翩翩映紫霞
燕罷瑤池春似海
東風開遍碧桃花

王母瑤池圖

明 李進

臺殿參差近碧天房櫳屈曲窈相連
瑤池淡淡涵秋月
珠樹濛濛護曉煙雲外鳥來知七夕
風前花落是何年
詎諧却笑東方朔三度偷桃未得仙

碧桃青鳥圖

元王惲

上林春滿漢宮煙翠雀飛來態度閒
王母西歸方朔去
碧桃華影語闐闐

題玄妙觀嵇月庭所藏鍾離像

元貢師泰

槲葉為衣草為履鬚鬢雙髻任風吹
浮雲捲盡青天闊
正是神光夜出時

題鍾呂傳道圖

元楊載

濟世曾聞有大才超然脫屣去塵埃
劍光昱昱今何在

上下乘龍戲九垓

鍾呂醉酣圖

明

丘濬

我聞神仙超出塵寰外御氣乘風餐沆漉如何也入醉
鄉中捐取仙丹償酒債謾羨純陽與正陽看來都不如
杜康縱然洞裏活千歲何異人間醉一場

敬讚純陽真人畫像

元

馬臻

自從樹老城南月不把玄機輕漏洩秋風千古洞庭波
是凡是聖從渠說

呂洞賓畫像

元 劉 因

微茫洞庭曉瀟灑崑崙秋海蟾生碧天相從何處游

題洞賓像

元 吳 澄

大地虛空共一鐺煎烹元不費煎烹安爐立竈燒凡火
狡獪聊愚老樹精

右丞文獻公所畫張果像

金 張 行 中

古來人物畫為難驚見仙公樹石間莫把丹青名右相
太平勲業在人寰

跋文獻公張果老圖

元
元好問

耆舊能談相國賢功名欲占冷巖前清風萬古猶應在
未用仙公甲子年

果老圖

元
袁桷

御氣如嬰兒變化能成形再過趙州橋滅跡絕怪靈

題張果老騎驢圖

元
范梈

細柳官橋路騎驢不用鞭先生誠有道此去亦千年

張果對御圖

元
吳師道

多欲求仙亦已癡老翁幻怪等兒嬉騎驢却向何山去
不救青螺蜀道時

張果老騎牛圖

明

金幼孜

客有騎牛者人稱果老仙問知欲何往大笑指青天

題張果老騎驢圖

明

僧果庵

舉世多少人無如這老漢不是倒騎驢凡事回頭看

曹國舅贊

宋

白玉蟾

竊得玉京桃踏亂金華草白雲滿蓑衣內有金丹寶

韓湘子贊

宋

白玉蟾

白雪滿空夜黃芽一朶春
藍闕歸去後閒甚世間人

題韓湘子像

明

唐錦

昌黎千載士虎踞白玉堂
毛錐三寸奪造化抉剔海岳
無晶光此事古來鬼神忌
真宰泣訴令投荒頃刻花
逡巡酒藍闕雪花大於斗
冰觀馬蹄凍欲僵等閒笑
破山人口驅煙霧御氤氳
仙邪非邪且勿論靜裏悠
悠誰似君

何仙姑贊

宋

白玉蟾

閨苑無蹤跡唐朝有姓名不知紅玉洞千古夜猿聲

藍采和像

元

元好問

長板高歌本不狂兒曹自為百錢忙幾時逢著藍衫老
同向春風舞一場

藍采和像

明

楊基

石崇步障四十里猗頓珊瑚八百株寧可黃金堆下死
街頭不散一青蚨

題李營丘畫驪山老姥賜李密火星劍圖

明

汪克寬

蒲山銳額千牛客
蒲韉跨犢行無跡
挂角青編一束書
夢對重瞳意相得
昆吾寶劍三尺水
火星炯炯精光起
花冠仙姥授神奇
拜起倉皇驚更喜
鞏南歃血盟玉盤
龍舟錦纜誅疵癥
折簡唐公結昆弟
威凌六月嚴霜寒
豈知不學萬人敵
雄才空覺乾坤窄
九卿裂地藏琯弓
稠桑土蝕桐花碧
茗莢古樹蒼玉林
丹厓慘澹靈輕陰

龍津歛忽風雲化未湏感慨荆軻心

題麻姑圖有懷蔣師文

元

黃鎮成

曾宿丹霞十二樓水亭風館不勝秋故人天上無書到
自展山圖看雪流

題張叔厚白描麻姑像

元

張天英

狡獪仙人來自東海波清淺日輪紅易遷宮裏飛霞佩
只在鸞笙一曲中

后土瓊花圖

明

瞿佑

阿武臨朝若鬼神春風屢動壁衣塵唐臣不敢揚君醜
移謗瓊花觀裏人

題七夕圖

唐
趙璜

帝子吹簫上翠微秋風一曲鳳皇歸明年七月重相見
依舊高懸織女機

織女圖

明
瞿佑

錦機停織動經秋恨逐銀河一水流人世底須爭巧拙
乞來何不妮牽牛

題毛女真

宋蘇軾

霧鬢風鬟木葉衣
山川良是昔人非
祇應閒過商顏老
獨自吹簫月下歸

毛女圖

為用極
題二首

元劉躍

軛道蒼茫異古今
長鏡相伴坐巖陰
猿獨挂危梢底
照影清流契宿心

老蟬光怪射寒虛
兀坐相看撒短鉏
移得山花偏帶土
武陵春事近如何

題錢選毛女

元 錢惟善

槲葉紉衣紺髮青宮妝變盡尚娉婷
君王若問長生藥只有胡麻與茯苓

毛女圖

元 宋 駁

終南靈藥可成仙徐福空勞泛海船
七月輜輶鮑真臭不知官女却長年

毛女圖

元 鄭氏
名允端

我亦斯人徒偶然櫻世網撫卷發深思
何當共長往

毛女成仙圖

明 瞿佑

童女樓船去不歸
三山何處覓靈芝
神仙只在秦宮裏
底事君王却不知

題張渥描乘鸞月仙

元 張天英

素女乘鸞月下飛
飄飄環珮語相依
帝家曾識乘槎客
笑倚天孫錦字機

題姮娥奔月圖

明 蘭廷瑞

竊藥私奔計已窮
橐砧應恨洞房空
當時射日弓猶在

何事無能近月中

姮娥奔月圖

明瞿佑

一丸靈藥少人知竊去應無再得期
后昇空能殘九日那知月裏却容私

月宮仙子圖

三首

明徐渭

纏頭雲錦墜金釵短袖長裙雪片裁
不是上頭寒不禁夜深何事却飛來

捧來玉兔夜生光一捻冰肌縞帶長
試問當年明月裏

果然親得見明皇

空中縹緲景光新但似雲霞不似人知道今年是何夕
桂花添得幾枝春

吳彩鸞寫真

宋謝邁

天上鳳皇難獨宿人間翡翠本雙棲丹青不與文蕭共
誰遣雉東迷雀西

題吳彩鸞詩韻圖

元元好問

仙人固多門積行如累級高卑位既陳所入蓋不一綵

鸞遇文簫夙運契冥適居然西山下鸞字給朝夕混俗
隱玄秀偶被山靈識蕭爽致福地期延沖化術萬試既
已除天網疎不失豈擬囂塵徒紛亂喪明質正如楊安
君舉手凌白日上道誠不邪匪曰係黃赤所以跨猛虎
示此出世跡歸來乎山中棲神返空碧

題吳彩鸞寫韻圖

元張昱

小點紅鸞欲下遲遠山渾似畫來眉如何一念人間事
上界仙曹便得知

吳彩鸞像

元倪瓚

誰見文簫逐彩鸞
碧山蘿月五更寒
猶遺寫韻軒中迹
留得風流後世看

題洛神賦畫後

元王惲

淒斷西陵松柏聲
將身自試漫為情
陳王正自無聊賴
流盼川妃欲目成

洛妃圖

元袁桷

可怪夢中說夢底
須愁裏添愁
落日春風王子多情

不解綢繆

題文海屋洛神圖

元陸仁

神之媛兮霓裳凌長波兮迴翔龍輶兮孔蓋秋之水兮
如霜浦有蘭兮蘭有蕙折芳馨兮遺所思揚舲兮遽遠
目眇眇兮愁予

洛神圖

元雅勤呼

鄴宮檐瓦似一作化鴛鴦飄蘭渚鳴鸞一作鑿去國遙謾說君

王留寶枕不聞仙子和瓊一作鸞簫驚鴻易沒青天一作林

月沈鯉難憑碧海潮腸斷洛川東去水野煙汀草共蕭蕭

洛神圖

明 吳寬

仙妃不可即洛水遙相望手持青芙蓉遊戲水中央金
翠耀容飾木難綴明璫飄飄白雪裾蕩漾青霓裳人神
本殊道倏忽登北堂嫣然啟玉齒氣若幽蘭香馮夷與
海若左右更舉觴洛水詎可測人壽安能量雲輶期再
來少隔三千霜

洛神卷

明沈周

煩馬蕭蕭駐西日桂旗冉冉曳靈風潛川密約殷勤記
流水微辭宛轉通珮玉有聲山月小襪塵無迹浦雲空
人間離合須臾事還似高唐一夢中

清汶老所傳秦湘二女圖

次子由韻

宋

蘇軾

春風消冰失瑤玉我本無身安有觸羊生得歸如得風
握手一笑未為辱先生室中無天遊環佩何處鳴風甌
隨魔未必皆魔女但與分燈遣歸去胡為寫真傳世人

更要維摩一轉語丹元茅茨祇三間太極老人時往還
點檢凡心早除拂方平袖鞭常使物

題尤溪宗室所藏二妃圖

宋朱子

瀟湘木落時玉佩秋風起日暮悵何之寂寞寒江水
夫人

夫君行不歸日夕空凝佇目斷九疑岑回頭淚如雨
君

題白描湘靈鼓瑟圖

元陳基

班班湘竹淚痕深望斷重華隔遠岑花落黃陵春水闊
至今鼓瑟有遺音

題張渥湘妃鼓瑟圖

元陶宗儀

朱絃促柱鼓湘靈霧鬢雲鬟下紫冥萬頃碧波明月裏
曲終惟見數峯青

題湘君洛神二圖

明高啓

祠前修竹楚山青風珮時來過洞庭月夜莫彈瑤瑟怨
夫君不見有誰聽

雲中君圖

金劉迎

衣若新沐蘭湯薰靈巫拜舞方迎神恍然相見帝者服
九歌昔詠雲中君畫史亦可人妙入造化域羽衣玉塵
美且閒此意不知何處得空明倏忽紛溟濛胡為眷眷
臨壽宮飄然來下復遠舉想像決去隨飛龍祠空人散
秋蕭瑟落日猿聲喚秋色湘天極目青茫茫憑高一望
無南北

次韻馬伯庸題凌波仙圖

元劉因

玉衣朝岱日寶瑟寫湘雲宛轉鸞歸憶參差鴈過聞石
痕生左角松影印迴紋倚竹憐雙泣搗蘭憫自焚停驂
沙磧近指點認昭君

題凌波仙圖

元 楊維禎

帝子乘風下九疑含情欲去更遲遲獨憐江草年年綠
曾見凌波解佩時

題凌波飛蓋圖

元 張天英

蕊珠宮人駕雲駟山中翠蓋何亭亭老龍飛蓋作風雨

八仙池上爭娉婷，金環瓊珮裊蔽露。雙成躡隨青鸞翎，
酒星入水化為石。寒玉夜語天泠泠，白瑤城闕三萬里。
月照影娥行洞庭。

題凌波仙

明
貝瓊

姮娥竊藥能奔月，羸女吹簫亦上天。萬古阿甄魂魄苦，
江清雪冷夜如年。

畫水仙

元
唐肅

萬騎南巡日，三妃掩涕時。九疑雲不斷，何處見龍旗。

飛仙圖

元 劉永之

綠膺么鳳載瓊簫霧鬢煙鬟向月飄
閬苑獨歸仙路遠
九天風露濕紅綃

題茅山彭道士畫梅花仙子

元 丁復

綠燕棲寒夜不飛
洞天霜淨月流輝
夜深彷彿梅邊卧
起撥青霞染素衣

題三白士女

元 陳基

長松百尺吹天風
仙人憑虛離紫宮
明月掛樹雲溶溶

褰衣獨憇流青瞳炯若秋水涵芙蓉玄霜未下珠露濃
桂樹偃蹇山籠從煙蘿空青深太古薜荔吹香雜蘭杜
渴飲石泉飢瓊蕊逍遙不比巫山女朝為行雲暮行雨
人間回首空塵土何如丹丘與玄圃珊珊玉佩風泠泠
羣仙夜誦蕊珠經紫金之冠朝玉京青幢絳節鳳凰笙
蓬萊弱水今淺清何當從之拾瑤英一往不死三千齡

仙娥翫月圖

為野雲
陳氏題

元

張翥

仙娥微步下高寒獨立長松月滿山妝影透明金背鏡

佩聲飛動玉連環
洗空碧海銀蟾冷
舞罷瑤階白鳳閒
不是丹青寄顏色
行雲無夢到人間

仙女醉歸圖

明

陳景融

碧桃花下宴初還
雲御逍遙擁侍鬟
兩鬢天風吹不醒
肯教清夢落人間

白雲仙女圖

明

吳寬

霞裙霧帶空中起
何物嫣然一仙子
下方塵土不沾衣
來往踏雲如踏水
瑤池西去扶桑東
萬里聊乘半日風

却笑洛神波底住一生空卧水晶宮

題小仙養蒲圖

明

謝承舉

泣雨綠牕潤娟娟淨洗膚夜花開石竇春意
在方壺豪
撚吟鬚勁清憐仙骨癯秋燈山閣靜長伴讀書
儒

女仙彈琴

明

徐渭

流水東來響白蛇高松西畔隔紅霞彈琴未必
神仙事
只好呼儂女伯牙

御定歷代題畫詩類卷六十一